



Inatsisartunut ilaasortaq,
Lars Poulsen, Siumut
Maani/

§ 37 naapertorlugu apeqqummut nr. 2022-38-mut akissut

Ulloq: 28-01-2022
Sullap normua: 2022 - 2821
All. nr. 19149044

Inatsisartut Suleriaasianni § 37, imm. 1 naapertorlugu Nunatta kangiani tunitsiveqarnek pillugu Naalakkersuisunut apeqquteqarputit. Apeqqut suliasaqarfigisannit akineqartus-sanngorlugu innersuunneqarpoq.

Postboks 269

3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. Nunatta kangiani Aalisarnermut ikaarsaarnissaq siunertaralugu naalakkersuisut suut suliniutigaat?

1-imut) Aalisarnerup ineriartortinneqarnissaanut tunngavissanik Naalakkersuisut aalajangersaasarput innuttaasullu namminneerlutik suliniuteqartartussaallutik. Nunatta kangiani, Qaanaami Qimusseriarsuarmilu aalisarnermik ineriartortitsinissanut Inatsisartut 2020-mi 2021-milu 1 million kr.-inik aningaasaliipput.

Aningaasaliissutit taakku atorlugit Nunatta kangiani suliniutit makku aallartinneqarput:

- Tunisassiornerup annertusineqarnissaa siunertaralugu Kuummiuni tunitsivimmut innaallagissap aqqaataa pitsanngorsaaffiginera.
- Bundgarnersornermi atortut aalisartullu marluk Sermiligaameersup aamma Kuummiuneersup bundgarnersornermik aalisartoqatiminnik ilitsersuisinnaangorlugit pikkorissartinneqarneri.
- Aalisartut arfinillit Ittoqqortoormiormiut Tasiilarmiullu sumiiffinni taaneqartuni misileraallutik aalisarnissaanut ningittakkanik pissarsissunneri.
- Kommunip aaqqissugaanik Aalisarnermut Piniarnermullu Naalakkersuisoqarfiup peqataaffigisassaani aalisarnek pillugu isumasioqatigiissitsinissamut taapiissuteqarnek, isumasioqatigiinnissaq kinguartinneqarsimavoq 2022-lli ingerlanerani aaqqissuunneqarsinnaanissaa naatsorsuutigineqarluni.

Tamatuma saniatigut Kuummiuni tunitsivimmik piginnittuusoq Arctic Prime Fisheries suleqatigalugu Tasiilamiit Kuummiuni tunisassiorfimmi tunisassiarineqartussanik angallat assartuut atorlugu aalisakkanik assartuisinnaaneq misissorneqarpoq.

Taakku saniatigut piffimmi aalisarnermut misileraassinnaaneq tulaassisussaatitaanermik piumasaqaatilik periarfissaavoq.

2. Aalisarnermut ikaarsaarnissaq siunertaralugu namminersorlutik oqartussat suliffeqarfiutaat Royal Greenland kiisalu naalackersuisut tunitsivimmik pilersitsinissamik pilersaaruteqarpat?

2-mut) Ingerlatseqaatigiit tunitsivinnik pilersitsisartussaapput Naalackersuisuunngitsoq. Taamaattumik Naalackersuisut tunitsiviliorinissamik pilersaaruteqanngillat. Nunatta kangiani tunitsiviliorsinnaanissamut periarfissat misissorsinnaajumallugit Royal Greenland Naalackersuisunit oqaloqatigineqarsimavoq.

3. Aalisarnermik inuussutissarsiuteqarneq eqqarsaatigalugu inerisaasoqarnissaanik Kommune, Naalackersuisullu ataatsimoorlutik sunik pilersaaruserpat?

3-mut) Apeqqummut 4-mut akissutinut innersuussivunga.

4. Ukiuni siuliini marloriaq naalackersuisut borgmesterillu atsioqatigiinneratigut isumaqatigiittoqarpoq inuussutissarsiornikkut aalisarnikkullu inerisaasoqassasoq. Isumaqatigiissutit suut pilersinneqarpat?


a. Pilersaarutit suuppat?

b. Suullu pilersinniarneqarnersut naalackersuisoq qanoq suliniuteqarniarpat?

Imm. 4-mut) Naalackersuisut Kommuneqarfik Sermersoorlu Nunatta kangiani aalisarnerup ineriartortinneqarnissaanut siunnerfiit pillugit isumaqatigiissuteqarsimapput. Tassani siunertaalluni namminersortut Tunumi aalisarnermik ineriartortitserusuttut tassunga ilanngullugu tunitsivinnik pilersitserusuttut kommunimit Naalackersuisunillu ikiorneqartarnissaat.

4 b-imut) 1-imut akissutigineqartut takukkit.

Inussiarnersumik Inuulluaqqusillunga



Aqqaluaq B. Egede
Aalisarnermut Piniarnermullu Naalackersuisoq